

# تَقْوِيَةُ وَتَسْلِيمُ

4095

نومبر ۴۰۹۵

بِسْمِ اللَّهِ الرَّحْمَنِ الرَّحِيمِ

نسخه سی ایکی غروشدر

جمعه دن ماعدا هر کون نشر اولنور

۲۶ شباط ۱۳۳۷

جمعه ایرتسی

۱۸ جمادی الاخره ۱۳۳۹

محمد وحید الدین

روما سفارت سنیه من باش کتابته بارسلون شهیندری اولوب باش  
شهیندر عنواتی حائر بولنان علی رضا بک تعیین اولمشدر .

بو اراده سنیه منک اجراسنه خارجیه ناظری مأموردور .

۱۵ جمادی الاخره ۱۳۳۹ ۲۳ شباط ۱۳۳۷

خارجیه ناظری      صدراعظم وکیل  
صفا                      علی رضا

★

محمد وحید الدین

دارالفنون حقوق مدرسه سنده منحل اولان حقوق عمومیه دول  
مدرسلکنه مکتب ملکیه شاهانه معلملرندن جمیل بک تعیین ایدلمشدر .

بو اراده سنیه منک اجراسنه معارف ناظری مأموردور .

۱۵ جمادی الاخره ۱۳۳۹ ۲۳ شباط ۱۳۳۷

معارف ناظری      صدراعظم وکیل  
راشد                      علی رضا

★

محمد وحید الدین

خداوندکار ولایتی اوقاف مدیری نافذ افندینک عزلیله یرینه قلعه  
سلطانیه قاضیسی وقاص صبری افندی تعیین اولمشدر .

بو اراده سنیه منک اجراسنه اوقاف هایون ناظری مأموردور .

۱۵ جمادی الاخره ۱۳۳۹ ۲۳ شباط ۱۳۳۷

اوقاف هایون ناظر وکیل      صدراعظم وکیل  
نوری                              علی رضا

★

سلاملق رسم عالیسی

دونکی سلاملق رسم عالیسی ییلدی زده کائن حمیده جامع شریفنده  
اجرا بیورلمشدر .

تَسْلِيمُ

محمد وحید الدین

شهرامینی یوسف رازی بکک مأموریتندن عفو یله امانت وکالتنه  
معاون سابق محمد علی بک تعیین اولمشدر .

بو اراده سنیه منک اجراسنه داخلیه ناظری مأموردور .

۱۵ جمادی الاخره ۱۳۳۹ ۲۳ شباط ۱۳۳۷

داخلیه ناظری وکیل      صدراعظم وکیل  
مصطفی عارف              علی رضا

★

محمد وحید الدین

پارس سفارت سنیه من مستشارلغنه روما سفارت سنیه من مستشاری  
مکین مقبل و روما سفارت سنیه من مستشارلغنه ده رن سفارت سنیه من  
باش کتابتندن منفصل ومستشار عنواتی حائر حسن بصری بک تعیین  
اولمشدر .

بو اراده سنیه منک اجراسنه خارجیه ناظری مأموردور .

۱۵ جمادی الاخره ۱۳۳۹ ۲۳ شباط ۱۳۳۷

خارجیه ناظری      صدراعظم وکیل  
صفا                      علی رضا

★

خطاهایون

**طفره زون رخصت ویرلشدر**

کمدن منحل اولدینی کیمه توجیه اولدینی

خطابتک محل ایفاسی

استانبولده سلوری قیوسی خارچنده

کاش سیدنظم الدین خانقاهی جامع شریفی

افندی [شیخ حسن عدلی افندی نیابتیه]

استانبولده پیکخانه زردنده کاش دزدار

محمداسعد افندی محمد عاکف افندی

[عبدالحمید افندی نیابتیه] [عبدالحمید افندی نیابتیه]

زاده عمدچلی جامع شریفی

استانبولده افسرای جوارنده کاش جمال

خیرالدین جامع شریفی

حفظ محمد افندی ولی الدین افندی

جنتمکان فاتح سلطان محمدخان حضرت تریسک

محمدفهی افندی حانظعارف افندی

قلعه سلطانیه قصبه سنده کاش جامع شریفی

منبروضعیله اقامه صلاه جمعه وعیدین اولتوق

اوزره قهرسی سنجاغک بیغادج ناحیه سنه

تایع طاش کسبکی قریه سنده کاش مسجد

شریف

بالاده محرر خطابت جهتلی حدالزنده اسامیسی کوستریلان ذواته

توجیه اولمشدر .

بوراده سنیه نک اجراسنه اوقاف هایون ناظری مأمورد .

۱۵ جمادی الاخره ۱۳۳۹ ۲۳ شباط ۱۳۳۷

اوقاف هایون ناظر وکیلی صدراعظم وکیلی

نوری علی رضا

**قانون و نظامات**

۱۳۳۹ سنه سیچون صدارت بودجه سنه ۲,۰۰۰ لیرا تخصیصات

فوق العاده علاوه سی حقنده قرارنامه

**محمد وحیدالدین**

ماده : ۱ بیک اوچ یوز اوتوز آتی سنه مالیه سی صدارت بودجه سنک یوز اوتوز طقوزنجی مصارف متفرقه فصلنه ایکی بیک لیرا تخصیصات فوق العاده علاوه ایدمشدر .

ماده : ۲ اشبو قرارنامه تاریخ نشرندن معتبردر .

ماده : ۳ اشبو قرارنامه نک اجرای احکامنه مالیه ناظری مأمورد .

مجلس عمومینک اجتماعنده قانونیتی تکلیف ایدلک اوزره اشبو قرارنامه نک موقع مرعیته وضعی اراده ایدلم .

۱۵ جمادی الاخره ۱۳۳۹ ۲۳ شباط ۱۳۳۷

شیخ الاسلام و اوقاف هایون ناظر صدراعظم وکیلی و نافع ناظری

وکیلی علی رضا

نوری

حربیه ناظری و بحریه ناظری عدلیه ناظری

وکیلی عارف حکمت

ضیاءالدین

شورای دولت رئیس و داخله خارجیه ناظری و تجارت و زراعت ناظری

ناظری وکیلی مصطفی عارف

معارف ناظری

راشد

مالیه ناظری

عبده

امنیت صندوقک ۱۳۳۶ سنه سنده دخی مرعی الاجرا اولان

۱۳۳۴ سنه سی بودجه سنه ۱,۰۰۰ لیرا تخصیصات

فوق العاده علاوه سی حقنده قرارنامه

**محمد وحیدالدین**

ماده : ۱ مجلس عمومینک اجتماعنه قدر بیک اوچ یوز اوتوزالی سنه سنده دخی مرعی الاجرا اولان بیک اوچ یوز اوتوز درت سنه امنیت صندوق بودجه سنک آلتنجی « فروخت و تقیصات » ماده سنه بیک لیرا تخصیصات فوق العاده علاوه ایدمشدر .

ماده : ۲ اشبو قرارنامه تاریخ نشرندن معتبردر .

ماده : ۳ اشبو قرارنامه نک اجراسنه تجارت و زراعت ناظری مأمورد .

مجلس عمومینک اجتماعنده قانونیتی تکلیف ایدلک اوزره اشبو قرارنامه نک موقع مرعیته وضعی اراده ایدلم .

۱۶ جمادی الاخره ۱۳۳۹ ۲۴ شباط ۱۳۳۷

شیخ الاسلام و اوقاف هایون ناظر وکیلی صدراعظم وکیلی و نافع ناظری

نوری علی رضا

حربیه ناظری و بحریه ناظری وکیلی عدلیه ناظری

ضیاءالدین عارف حکمت

شورای دولت رئیس و داخله خارجیه ناظری و تجارت و زراعت ناظری وکیلی مصطفی عارف

معارف ناظری

راشد

مالیه ناظری

عبده

**وزارت و نظامات**

شورای دولت تنظیمات دائره سنک ۷۰ نومرولی مضبطه سی

معلولین عسکریه به معاونت هیئت حقنده کی نظامنامه نک موقع مرعیته وضعندن اول متشکل هیئت سابقه نک دوام مأموریتلری حقنده بعض افاده بی حاوی هیئت مذکوره طرفندن بالتقدیم شورای دولته حواله بیوریلان ۴ کانون نانی ۱۳۳۷ تاریخلی مضبطه تنظیمات دائره سنده قرائت اولندی .

ایجابی لدی التامل سالف الذکر نظامنامه نک برنجی ماده سنده « تحت حمایه حضرت بادشاهیده بولتوق و ریاستی طرف صداریتینایدن ارکان عسکریه دن بر ذات عهدسنه احاله اولتوق اوزره (معلولین عسکریه معاونت هیئت) نامیه بر هیئت تشکیل اولمشدر » و دردننجی ماده سنده دخی و معلولین عسکریه به معاونت هیئت مرکز مجلسی برنجی ماده ده بیان

نظامنامه من بورك برنجی و دردننجی ماده لری احکامنه توفیقاً تشکل ایده جکندن مجلس اداره سنک یکیدن تعیین ایدلسی لازم کله جکی و نظامنامه نک موقع مرعیته وضعیه برابر هیئت سابقه نک دوام مأموریتلرینه امکان اولمه جکی تنظیمات دائره سیله هیئت عمومیه دن بامضبطه انبا و دوائر متعلقه به تبلیغات اجرا ایدلش اولمغله اقتضاسنک ایفاسنه همت .

۲۷ جمادی الاولی ۱۳۳۹ ۶ شباط ۱۳۳۷

**قانون و نظامات**

استانبول ولایتی مجلس عمومیه سی

دوره انتخابیه سنه اجتماعیه

۴ ۴

اجتماع ۹

۷ جمادی الاخره ۱۳۳۹ صالی ۱۵ شباط ۱۳۳۷

رئیس : رئیس ثانی جمیل بک

اعضا : طنطاوی زاده عزت بک

اسکدار استانبول

سابق مالیه مفتش نردن اسماعیل نسیب بک

پوسته و تلغراف مأمورین مدیر سابق حلمی بک

مرسین متصرف اسبق یواناکی جازوبلوس افندی

تجاردن ملی منسوجات شرکتی مدیری ادھم افندی

تجاردن شیخ صدیق افندی

تجاردن عثمان افندی

حربیه مستشار اسبق محمد توفیق پاشا

لیان رئیس سابق میرآلای مصطفی بک

خزینة خاصه محاسبه جی سابق محی الدین بک

دعوی وکیلی نیقولاک افندی

تجاردن حاجی صفوت افندی

رسومات سروزنه دارلندن متقاعد رضا بک

دعوی وکیلی خنظر سیمون افندی

طیب متقاعد عبدالحمید پاشا

دوقفور حاجی احیا بک

حاجی توری بک

عثمان بک

« خلاصه مذاکرات »

مجلس عمومی ولایت رئیس ثانی جمیل بک ریاستنده اعضادن بالاده

اولیان رئیسک تحت ریاستنده اولمق اوزره حربیه و بحریه نظارتلریله هلال احمر جمعیتدن مأمور ایدیله جک ایکیشیر و مالیه و تجارت نظارتلریله شهراماتندن و مطبوعات جمعیتدن بررکه رئیس ده داخل اولدینی حالده جمعاً اون بر ذات ایله مومی الیم طرفندن هر درت سنه بررکه تجدیداً بالانتخاب رأیلرندن استفاده اولتوق اوزره تعیین ایدیله جک درت ذات که من حیث المجموع اون بش ذآندن مرکبدر مرکز مجلسی اعضاستندن بری هیئت مذکوره جه رئیس ثانی انتخاب ایدیلور » دیه محرر اولمسنه و مذکور نظامنامه ۶ ایلول ۱۳۳۶ تاریخنده اکتساب مرعیت ایتش بولمسنه نظراً هیئت مذکوره اشبو تاریخندن صکره مواد مذکوره احکامنه توفیقاً تشکل ایده جکندن مجلس اداره سنک یکیدن تعیین ایدلسی لازم کله بکنک و بناء علیه نظامنامه مذکورک موقع مرعیته وضعیه برابر هیئت سابقه نک دوام مأموریتلرینه امکان اولمه جکندک دوائر متعلقه سنه تبلیغی و کیفیتک بر کرده هیئت عمومیه جه تدقیقی تذکر قلندی اولبایده امر و فرمان حضرت من له الامر کدر .

۹ جمادی الاولی ۱۳۳۹ ۱۹ کانون نانی ۱۳۳۷

هیئت عمومیه دن ذیل یازیلان مضبطه

تنظیمات دائره سنک اشبو مضطه سی هیئت عمومیه ده قرائت اولندی .

ایجابی لدی المذاکره ذات مسئله معلولین عسکریه به معاونت هیئت حقنده ۶ ایلول ۱۳۳۶ تاریخلی نظامنامه نک موقع مرعیته وضعندن اول تشکل ایتش بولنان هیئتک تجدیدی ایجاب ایدوب ایتدیکنه دائره نظامنامه مذکورکی تفسیراً برقرار اتخاذه طلبندن عبارت اولوب دائره شارالهاجه متخذ قرار مصیب کورلیدیکندن اکا کوره ایفای مقتضاسنک حربیه نظارتنه تبلیغی و دوائر متعلقه سنه معلومات اعطاسی تذکر قلندی اولبایده امر و فرمان حضرت من له الامر کدر .

۲۶ جمادی الاولی ۱۳۳۹ ۵ شباط ۱۳۳۷

حربیه نظارت جلیله سنه و بحریه و مالیه و تجارت و زراعت و داخلیه نظارتلری و کالت جلیله لرینه و هلال احمر جمعیتی ریاست

ثانیه سنه یازیلان تذکره سامیه

معلولین عسکریه به معاونت هیئت حقنده کی نظامنامه نک موقع مرعیته وضعندن اول متشکل هیئت سابقه نک دوام مأموریتلری حقنده استفسار معامله بی حاوی هیئت مذکوره طرفندن ویرلن مضبطه شورای دولته لدی الحواله سالف الیابان نظامنامه ۶ ایلول ۱۳۳۶ تاریخنده اکتساب مرعیت ایتش بولمسنه نظراً معلولین عسکریه به معاونت هیئت اشبو تاریخندن صکره

اسامی محرر ذواتك حضوریه ۱۵ شباط ۱۳۳۷ تاریخه مصادف صالی  
 كونی زوالی ساعت ایکی قرق بش کچه طقوزنجی دفعه اوله رق عقد  
 اجتماع ایلدی . ضبط سابق خلاصه سی قرائت و قبول اولندقدن صکره  
 روزنامه ده محرر موادك مذاکره سنا ایتدار قلندی بکقوزده واقع آرپه چی  
 چنتلکی مستأجرینك شرائط مقاوله موجبنجه "بدایه" ایفاسنه مجبور  
 اولدینی تعهداتی ایفا ایدمه مامسی اولباده کی ایجار مقاوله نامه سنك فسختی  
 استلزام ایتدیکندن بختله چنتلکک آنی به عائد طرز اداره سنك تعیین  
 حقتده زراعت مدیرینك درکناری قرائت ایلدی . زراعت مدیری بك  
 شرائط مقاوله ایفا ایدمه میان مستأجر حقتده تعقیبات قانونیه تشبث  
 اولنش ایسه ده هنوز بر نتیجه به واصل اولنه مدیفندن و چنتلکک مداخله  
 وقوعی اخیراً استخبار ایتمسی اوزرینه ولایت مذکره لر تقدیم ایله کیفیت  
 رسماً بیلدیرمش اولدیفندن" و مقاوله نامه منفسخ عمد ایدله چکی جهته  
 چنتلکک آتیاً و بریله چک شکل اداره نك شمیدیدن تعیین و تثبیت لازم  
 کله چکندن بخت ایله چنتلکک بعدما اجاره به ربط اولنیه رق نمونه چنتلکی  
 اوله رق اداره وادامه سنی تکلیف ایلدی اعضادن نیقولا کی بك طرفندن  
 زراعت مدیرینك افاده سنی تأییداً چنتلکک وقوعولان مداخله دن بخت  
 ایدلمسی اوزرینه چنتلکک کیفیت تصرفی حقتده داخله و مالیه نظارتلریله  
 خزینة خاصه مدیریت عمومی سی آراسنده جریان ایدن مخبرات سابقه نك  
 صفحاتی و چنتلکک وضعیت حاضر سهیله شکل آتیمی موضوع بخت  
 و مناقشه ایلدی . چنتلکک نمونه چنتلکی حالده ادامه و اداره سنا قابلیت  
 موقعیه سنك مساعد اولدینی قناً ثابت اولسسه ولایتك وظائف زراعیه سی  
 تدارك اولنه جق دیگر مناسب بر اراضی ده تطبیق و ایفا اولنق اوزره الدن  
 چیقارلمسی مجلس عمومیجه اولجه قرار ویرلش اولدیفندن و مستأجر  
 علیهنده اقامه اولنان دعوی درجات و نتایجی آ کلاشلمه دن چنتلکک  
 آنی به عائد طرز اداره سی مذاکره ایدله میه چکندن و وقتیه ولایتك مالیه  
 خزینه سنندن بالمبایمه بدلتی تماماً ایفا ایتدیکی چنتلکک فراغ معامله سی  
 یا نلامش اولدینی بهانه سیله مداخله ایدلمسی فضولی و غیر قانونی بر معامله  
 اولدیفندن و مالیه خزینه سی آتیده بولنان املاک مدوره دن اولوبده خزینة  
 خاصه به اعاده سی لازم کلن املاک ایچون تنظیم قلنان دفتره بدلی تماماً  
 وریلویده ولایتك عهده تصرفه کچن وقطت خاقایسی هنوز آ نلامش  
 اولان چنتلکک سهواً ادخال ایدلمسی بو یولده اختلافاتی و مخبراتی انتاج  
 ایتمش اولوب بو یولده انجمنندن متخذ قرارلر اوزرینه مقام ولایتدن کرک  
 باب عالی به کرک خزینة خاصه و مالیه به ایجاب ایدن جوابلر ویرلش اولدیفندن  
 و ولایتك عهده سننده بولنان مذکور چنتلکک خزینة مالیه عهده سننده  
 اولوب مجلس وکلا قراریله خزینة خاصه به دور اولنان املاک زمره سنندن

بولندینی جهته غیر قانونی و فضولی اوله رق وقوع بولان مداخله قارش  
 ولایتجه اسباب قانونیه سنه توسل ایدلمک لازم کله چکندن و چنتلکک  
 مستأجر حقتده قانوناً اقتضا ایدن معامله نك ایفاسی حقتده ده انجمنجه  
 دفعات ایله قرارلر اتخاذ ایله ولایت به تودیع اولندیفندن کیفیتك تکرار  
 نظر دقته آتیمی و محاسبه خصوصیه جه صوگ تقسیط و برلیدیکی حالده  
 تعقیبات اجراسیله تصرف سندينك اخذ اولنماسی سنينك ده محاسبه  
 خصوصیه مدیرینندن صورلقله برابر معامله فراغیه نك تسریبی خصوصلرینك  
 مقام ولایت به عرضی متفقاً قرار گیر اولدی . مكاتبه اختیاری بر واردات  
 تأمینی ایچون نشر اولنان «حمایه مكاتبه قانونی» بودجه نك تنظیمندن  
 مؤخر اولق اعتباریله ولایتجه بودجه به بر قیمت قونولامش اولدیفندن  
 کرک بو یولده کرک تدریسات ابتدائی قانوننك اون بشنجی ماده سی حکمنجه  
 عهده اهالی به ترتب ایدن تدریسات مصارفك طرز طرح و جایی حقتده  
 استفسار مطالعه بی متضمن مجلس عمومیدن یازیلن قرار اوزرینه مصارف  
 مذکور نك منتظماً تحصیل ایدله مامسی اسباب و عواملنك وضعیت حاضر دن  
 متولد اولدیفنه و مصارف واقعه نك تأمینی ضمننده مخالف قانون کوریلن  
 اشکالک تعرفات قانونیه به توفیقاً تعدیلنه ذاتاً دائرة عائد سهیله تشبث  
 ایدله رك انتاج معامله نك در دست بولندیفنه و حمایه مكاتب حقتده کی  
 تشبثات بوسنه ایلک دفعه اوله رق تطبیق ایدله چکی جهته قاچ غروش  
 جمع ایدله چکنی تخمین ایله بونك ایچون بودجه به بر رقم وضعی ممکن  
 اوله میه جفته دائر ولایتك جوابنامه سی قرائت اوله رق بودجه نك واردات  
 قسمنك مذاکره سننده موضوع بخت ایدلمسی قبول اولدی . مكاتب  
 ابتدائی نك ادامه موجودیت ایدمه بیللمسی ایچون تأمل اولوب کچن اجتماعه  
 داخله و معارف نظارت جلیله لرینه اشعارینه قرار ویرلن مطالعات  
 و تمینات مخصوصه حقتده شفاهاً دخی ایضاحات اعطا ایله بالعقب بر نتیجه  
 استحصال ایتك اوزره مجلس اعضا سنندن ایکی ذانك مأمور ایدلمسی حقتده  
 محی الدین بکک تکلیفی نیقولا کی بکک مخالفیله و اکثریتله قبول اوله رق  
 بو خصوص ایچون موسی الیه محی الدین بکله اسماعیل نسیب بک انتخاب  
 ایلدی کله چک جمعه ایرتسی کونی اجتماع ایدلمک اوزره جلسه به نهایت  
 ویرلدی .

کاتب  
 رئیس قانی  
 نیقولا کی  
 جمیل

### بورس

۲۴ شباط ۱۳۳۷

اسهم و نحوایات	آچیلدی		اوکله فیاتی		قیادی		اک آشاغی		اک یوقاری	
	یاره	یاره	یاره	یاره	یاره	یاره	یاره	یاره	یاره	یاره
نحوایات										
استقراض داخلی	۱۵۵۰۰۰				۱۴۲۵۰۰۰					
دیون موحده	۷۸۵۰۰۰				۷۸۵۰۰۰					
روم ایللی بیور بولاری	۱۱۳۰۰۰				۱۱۳۵۰۰۰					
آناطولی بیور بولی (ت)	۱۳۴۵۰۰				۱۳۴۵۰۰					
آناطولی بیور بولی (ب) تربیتی	۱۲۱۰۰۰				۱۲۱۰۰۰					
آناطولی بیور بولی (ت) تربیتی	۵۰۰۰۰				۵۰۰۰۰					
نونل شرکت عثمانیه سی	۵۰۰۰۰				۵۰۰۰۰					
دوره دت تر موافق شرکت	۵۰۰۰۰				۵۰۰۰۰					
در سعادت ریختیم شرکتی										
اسکدار وقاضی کوی صوا										
شرکتی										
حصه سننداتی	۴۱۰۰۰				۴۱۰۰۰					
بانق عثمانی										
سلانیک بانقه سی										
اعتبار ملی بانقه سی										
حکام عثمانیه توتونلاری اداره	۳۷۵۰۰				۴۰۰۰۰					
انتحصاریه سی										
آناطولی بیور بولی / ۶۰	۱۶۷۰۰۰				۱۶۷۵۰۰					
مدنیه بیور بولی										
شرکتی انتحصاریه سی										
در سعادت تراموای شرکتی	۳۱۲۵۰۰				۳۱۲۵۰۰					
" " رؤیسانر										
در سعادت ریختیم شرکتی										
شرکت خیریه										
" " تمینی										
مارکلی معدن شرکتی										
بالیه قره آیدین										
عثمانلی سیغورطه										
" " ملی										
آرسلان چنتو	۲۱۰۰۰				۲۱۰۰۰					
اسکی حصار										
ایستره آچنتو										
اتحاد ملی دکرمن										
توتونلاری عثمانی										
آونیم شرکتی										
اتحاد شرق تیاترو وسنه ما										
شرکتی										

### ایلامک

مالیه نظارتندن :  
 ۱۱۵۲  
 خادم کونی ملنی موقع مستحکم آبارنده موجود اشیای مختلفه شهر مارکک  
 اوچونچ بیخشنه کونته قدر بالزایده فروخت ایدله چکدر ایضاحات المی ایچون

خزینة جليلة املاک امیریه دائره سننه و مزایده به اشتراك ایچون محفله ک قومیسیون  
 مخصوصه مراجعت ایدلمسی .  
 ۲۸ ش - ۲ ما

### استانبول ولایتندن :

۱۱۹۲  
 اوچ یوز اوتوز الی سنه سی اغتوسنك اون طفوزنجی کونی واقضای صریه  
 صنایع نفیسه مکتبی منفعتنه مذکور مکتب مؤسسسی طرفندن بک اوغلنده تپه ماشی  
 تیاتروسنده اجرا قلنان مسامره نتیجه حسابیه سننده تحقق ایدن بش یوز تمش لیرا  
 حاصلات عمومیه دن یوز درت لیرا مصارفك دارالعهززه عائداتی اولان الی یدی لیرا  
 بالتزویل درت یوز طفوز لیرا حاصلات صافیله وقوع بولدینی آ کلاشلغله اعلان  
 کیفیت اولنور .



۱۲۲۳  
 حمایه مكاتب انجمنلرنده قوللایله جق اوراق و دفاترک طبع و اعمالی مناقصه به  
 قونلایفندن ۱ مارت ۳۳۷ تاریخه مصادف صالی کونی احاله اولیه سی اجرا  
 قلنه چفتندن طالبارک انجمن ولایت قلمنه مراجعتلری .

### حریه نظارتی مایعات قومیسیونندن :

۱۲۲۲  
 جهت عسکریه ایچون مبابعه اولنه جق آماسیه چیچک بامیه سنك هر کیلوسی  
 یوز قرق غروشه طالبی عهده سننده در شباطک یگرمی آلتنجی جمعه ایرتسی کونی  
 احاله قطعه سی اجرا قلنه چفتندن طالب اولانلرک یوم مذکورده ساعت بردن اوچه  
 قدر حریه نظارتی لوازمات عمومیه ریاستنه مراجعتلری .

### دیون عمومیة عثمانیه اداره سنندن :

۱۱۸۹  
 ۳ لیتره حجم استیعابسننده و ۴ پارچه دن مرکب عادی سیستیمده بر باقیر  
 انبیق دیون عمومیة عثمانیه اداره سننجه بالزایده فروخت ایدله چکنندن مزایده سننه  
 اشتراك ایتك ایستیتلرک سنه حالیه مارتنك اوچنه مصادف چهارشنبه کونی اوکلهدن  
 صوکره ساعت برده غلطه ده خداوندکار خاندنه کاتن در سعادت مسکرات مرکز  
 مدیریننه مراجعت ایتلری اعلان اولنور .  
 ۲۸ ش - ۲ ما



۱۱۸۸  
 بهری ۱۷ بیچق طونیلاتو حجم استیعابسننده ایکی صو دو باسی دیون عمومیة  
 عثمانیه اداره سی طرفندن موقع فروخته قوللشدر . بونلری کورمک ایستیتلر  
 هر کون ساعت طفوزدن درده قدر مذکور دوبالرک باغلی بولوندقلری خلیجده  
 قره کوی کوربسی قربنده کاتن بالفخانه به وصایتیش معاملات ایچون اداره مرکزیه ده  
 مصرف قلمنه مراجعت ایتلندرلر .  
 ۲۸ ش - ۳ ما



۶۹۷  
 مسکرات بایلری آتی آلیق تقسیط بدلتی قأدبه ایتك اوزره بیعیه نظامنامه سنك  
 ۱۰ و ۱۴ نجی ماده لر ی موجبنجه مارت ماهنك ایتداسندن اول منسوب اوله قلری  
 دیون عمومیه اداره لرینه مراجعت ایلک مجبوریتنده بولندقلرندن کیفیت ذکرا اولنان  
 بایلره اخطار ایدیلور و اوکزده ک مارت ماهنك حلولندن اول تذکره آلاما یولده  
 ماه مذکورک برنجی کونندن اعتباراً بلانذکره مسکرات صانقلر حقتده قانوناً معین  
 اولان معامله جزائییه نك اجرا قلنه جتی ده اعلان اولونور .  
 ۳ هف



۱۰۲۹  
 بالجله آغچی ، اولطه چی ، الفارنجی ، مادر ابازا اصنافك هر سننه مارت ایتداسنده

ومدیہ واستریدیہ مثلاً محصولات بحریہ سرکبیلرینک دخی سرکبیلرینک حین کشادندہ صنعتلرینہ مخصوص برر رخصت تذکرہ سی آلری درسماعت وتوابی بالفیخانہ نظامنامہ سنک برنجی مادہ سی اقتضاسندن وبلانذکرہ اجرای صیدہ تصدی ایدنلر حقتدہ معاملہ جزائیہ اجراسی دہ ایکنجی مادہ نظامیہ احکامندن بولنمش اولدیفندن معاملہ جزائیہ مذکورہ نک اجراسنہ مجبوریت حاصل اولماقی اوزرہ هرمنصف صیادک وقتیلہ بالفیخانہ مرکز مدبریتنہ ویاجود بولندقلری محملرک دیون عمومیہ اداره لرینہ صراجتله خرج نظامیسی اعطا ایدرک رخصت تذکرہ سی استحصال ایللری لوزی اعلان اولنور .

دیون عمومیہ عثمانیہ ادارہ سی ، بروسه حریر دارالتعلیمک ۱۳۳۴ سنہ حالیہ سی نیسانک اونالتیسنه مصادف جمعیہ ابرتسی کونی کشاد اولنه جفتی علاقہ دارانہ اعلان ایدر .

ومذکور دارالتعلیمه یالکز نہاری اولتی اوزرہ ذکور وانندن شاگرد قبول اولوندیفنی وتدریسانک مجاناً اجرا ایدلدیکنی بوناستله بیان ایلر . مذکور مؤسسہ یه قبول شرائطی حقتدہ معلومات آلتی ایستینلر کرک استانیولده دیون عمومیہ اداره مرکزیه سنہ کرک مقیم بولوندقلری محکم دیون عمومیہ اداره سنہ صراجت بیلرلر .

۲۰۰ طوبی «أمبريال» ودیکر ۲۰۰ طوبی ده «رآل» قطعہ سنندہ اولتی اوزرہ ۴۰۰ طوب کاغذ دیون عمومیہ عثمانیہ اداره سنحہ قاپالی طرف اصولیہ مناقصہ یه قولنمش اولدیفندن سنہ حالیہ مارتیک بدیسنه مصادف بازار ابرتسی کونی اجراسی مقرر اولان اشبو مناقصہ نک شرائطنہ کسب اطلاع ایچون علاقہ دارلرک مصرف قلمنہ صراجت ایللری لازم کلدیکی اعلان اولنور . ۲۸ ش ۲۰۵ ما

صحیہ مدیریت عمومیہ سنندن : بیروت مکتب طیبہ سنندن نشأ تله طب فا کولتہ سنک ۱۵ اغستوس ۱۳۳۳ تاریخ ۲۵۶۴ نومرولو طبابت دیپلوماسنی ضایع ایلدیکنہ داترشایان قبول وثائق ابرازایدن شاملی دوقور شکر ی بن جورجی زیدان افندی یه تاریخ اعلانن اوچ آئی صورکہ سنسہ ثانیہ اعطاسی تقرر ایدنیکندن سنسہ اولی هرکیمک بدندہ کوریلورسہ جان استردادیلہ صحیہ مدیریت عمومیہ سنہ ارسال وحاملنک کفالت قوبیہ ربطیلہ اسمنک انبایسی بالمعوم علاقہ دار مأموریتہ اعلان اولنور . ۳ هر

خزینہ خاصہ شاهانہ املاک خاقانی اداره سنندن : املاک قدیمہ خاقانی دن آخور قبو وجوارندہ بشن قطبہ بوستان ۴۷۷۴۰ غروشده طالبلری عہدہ سنندہ اولوب بدل مذکور معتدل کورلیدیکی حالہ شهر حالک یکریمی سکرنجی بازار ابرتسی کونی وسطی ساعت اوچده حالہ قطعہ سی اجرا قلنہ جتی و سرکجیدہ مسعدت خاتک آصمہ قاتندہ ۷۶،۶۴۳ نومرولی اوطلرله دردنجی قاتندہ ۵۰ نومرولو اوطلہ دردست ایجار بولندیفنی جهتلہ ضملہ استیجارہ طالب اولنلرک دیوزیتو آقچہ لرین مستصحباً خزینہ خاصہ شاهانہ املاک خاقانی برنجی شعبہ سنہ صراجت ایللری . ۱ هر

پولیس مدیریت عمومیہ سنندن : صلاحیت قانونیہ سی خلافہ جبروشدت استعمال ایتدیکی ادعا قلنان باقنائی مرکزی مأمور صورتیلہ وظیفہ مأمورہ سی سوامستعمال ایتدیکی ادعا قلنان باقنائی مرکزی مأمور سابق کیرقور افندیکن انجمن مدیرانجه منع محاکمہ سنہ قرار ویرلش وقرار واقع مدعی شخصیسی اولوب مقدما سرکجیدہ مسعدت خاتندہ ۸۰۷ نومرولو یازمخاندہ اجرای تجارت ایدن عمدقورد افندیکن حالاً محل اقامت و تجارتک مجهول بولنسی

طولایسیلہ اعلاناً تبلیغات اجراسی قرار کبر اولش اولغله مدت قانونیہ سی اولان برماہ طرفندہ اعتراض ایتدیکی تقدیرده علی الاصول اعتراضنامہ سنک ارسال اعلان اولنور .

شهراماتی بک اوغلی دائرہ سنندن : صاحبسز اولهرق کورباوب ضابطه جہ دائرہ یه تسلیم ایدلش اولان سمرلی برقصراق صاحبی اوچ کونہ قدر صراجت ایتدکلری تقدیرده فروخت ایدیلہ چکی اعلان اولنور .

استانبول دفتر خاقانی اداره سنندن :

بہیہ وزہرا خاتلرک استقراض ایلدکلری اوتوز بدی بیک غروش مقابلندہ علی وصفی افندی عہدہ سنہ وکالت دوریہ ایلہ وفاء مفروغ بولنان خرقہ نیریف جوارندہ میرمیران حسن پاشا محلہ سنندہ لطف اہ افندی زقاغندہ ۸۵ عتیق ۱۲ جدید نومرولی وشہری ۲۰۰۰ غروش ایجارہ متحمل ۳ اوطلہ ۱ صفہ و مشتملات سائرہ ی حاری خانہ نک سکز حصہ اعتباریلہ بش حصہ سی تسویہ دین ایدلہ سنندن طولای اجرای قلنان مزایدہ سنندہ اوچ یوز ایرادہ طالبی عہدہ سنندہ تقرر ایدرک ۲۴ شباط ۳۳۷ تاریخندہ حالہ اولیہ سی اجرا قلنمش ومارتک اون ایکنجی کونی حالہ قطعہ سنک اجراسی مقرر بولنمش اولغله یوزدہ بش ضم ایلہ طالب اولانلرک قیمت تخمہ سی اولان ۱۹۳۴۰ غروشک یوزدہ اونی نسبتندہ بی آقچہ سی مستصحباً دفتر خاقانی امانتی دائرہ سنندہ استانبول دفتر خاقانی اداره سنہ صراجت ایللری اعلان اولنور . ۹-۵ ما

حسن بکک استقراض ایلدیکی درت یوز اون لیرا مقابلندہ وکالت دوریہ ایلہ خدیجہ شفیقہ خانم عہدہ سنہ وفاء مفروغ اولان چارشوی کبیردہ یورعاچیلرده حاجی شمش سواقاغندہ ۴ نومرولی دکانک تمامیلہ ۶ نومرولی دکانک اوچ ربع حصہ سنک تسویہ دین اولنماسندن طولای اجرای قلنان مزایدہ سی نتیجہ سنندہ تقرر ایدن بدل دون کوروندیکنندن مدت مزایدہ مارتک یکریمی اوچجی کونہ قدر عید ایدلدیکنندن طالبلرک یومہ مذکورہ قدر استانبول دفتر خاقانی مدیریتہ صراجت ایللری . ۱۲۱۳

زینب خانمک استقراض ایلدیکی ایکی بیک لیرا مقابلندہ حسن جمال بک عہدہ سنہ وکالت دوریہ ایلہ وفاء مفروغ بولنان اقسرای جوارندہ چافر اغا محلہ سنندہ چراح پاشا چادہ سنندہ ۳۰-۳۰-۳۰ نومرولی وشہری ۱۵۰۰ غروش ایجارہ متحمل درونندہ آخور وازاہلی وبراقینی مشتمل اوچ قطعہ عرصہ ونصف ماصوراماء لیدیسی تسویہ دین ایدلہ سنندن طولای اجرای قلنان مزایدہ سنندہ اتی یوز ایرادہ طالبی عہدہ سنندہ تقرر ایدرک ۲۶ شباط ۳۳۷ تاریخندہ حالہ اولیہ سی اجرا قلنمش ومارتک اون اوچجی کونی حالہ قطعہ سنک اجراسی مقرر بولنمش اولغله یوزدہ بش ضم ایلہ طالب اولانلرک قیمت تخمہ سی اولان اتی بش بیک غروشک یوزدہ اونی نسبتندہ بی آقچہ سی مستصحباً دفتر خاقانی امانتی دائرہ سنندہ استانبول دفتر خاقانی اداره سنہ صراجت ایللری اعلان اولنور . ۹-۵ ما

عایشہ وفاطمہ فریاد ومقبولہ خاتلرک استقراض ایلدکلری یوز اوتوز لیرا اوراق نقدیہ مقابلندہ حاجی کاظم افندی عہدہ سنہ وکالت دوریہ ایلہ وفاء مفروغ بولنان قدرغندہ بوستان عالی محلہ سننک چیمقاز طوغرامہ سی زقاغندہ ۶ عتیق ۸ جدید نومرولو وشہری اون بش لیرا ایجارہ متحمل ۳ اوطلہ ۱ صفہ ۱ صندوق اوطلہ سی ۱ مطبخ برقیو باغچہ یی مشتمل خانہ نک سکز حصہ اعتباریلہ بش حصہ سی تسویہ دین ایدلہ سنندن طولای ۲۰ شباط ۳۳۷ تاریخندہ مزایدہ یه وضع ایدلش و اوتوز

کون ضرورندہ حالہ اولیہ واون بش کون صکرہ حالہ قطعہ سنک اجراسی مقرر بولنغله طالب اولانلرک قیمت تخمہ سی اولان (۹۳۷۵) غروشک یوزدہ اونی نسبتندہ تأمینات ایچہ سی مستصحباً دفتر خاقانی امانتندہ استانبول دفتر خاقانی اداره سنہ صراجت ایللری . ۳ ما

هادی وشتاسی بکلرک استقراض ایلدکلری ایکی یوز اوتوز عدد لیرای عثانی اوراق نقدیہ مقابلندہ علی بک عہدہ سنہ وکالت دوریہ ایلہ وفاء مفروغ بولنان شہری اون لیرا ایجارلی ۵-۶ نومرولی چارشوی کبیردہ یورعاچیلر وجامعلی خاندہ یکدیکنرینہ مقلوب بز باب دکان ایکی عدد کدکدن منقلب اوطلہ محلنک یکریمی درت حصہ اعتباریلہ طقوز و اوتوجی دکانی محلنک طقسان اتی حصہ اعتباریلہ یکریمی بش حصہ لرلی تسویہ دین ایدلہ سنندن طولای ۱۹ شباط ۳۳۷ تاریخندہ مزایدہ یه وضع اولنمشدر . اوتوز کون ضرورندہ حالہ اولیہ واون بش کون صکرہ حالہ قطعہ سنک اجراسی مقرر بولنغله طالب اولانلرک قیمت تخمہ سنک یوزدہ اونی اولان (۲۰۰۰) غروش سی مستصحباً دفتر خاقانی امانتندہ استانبول دفتر خاقانی اداره سنہ صراجت ایللری . ۳ ما

تختہ قلنہ جوارندہ حواجه جزہ محلہ سنندہ مکتب سواقاغندہ ۱۴ جدید نومرولی شہری ۱۰ لیرا بدل ایجاری بولنان اخشاب خانہ نک وکالت دوریہ ایلہ وفاء فراغی مقابلندہ محمد جمال بکک چلی اغانک استقراض ایلدیکی اوتوز بیک غروشک تسویہ اولنماسندن طولای اوتوز کون ختامندہ حالہ اولیہ اون بش کون صکرہ حالہ قطعہ یه اجرا اولتی اوزرہ مزایدہ یه قولدیفندن طالبلرک ۱۵ لیرا تأمینات ایچہ لریلہ برابر استانبول دفتر خاقانی مدیریتہ صراجت ایللری . ۹۲۲

بک اوغلی دفتر خاقانی اداره سنندن :

ربیعہ خانمک استقراض ایلدیکی شمش بش بیک غروش مقابلندہ اسماعیل حتی بک عہدہ سنہ وکالت دوریہ ایلہ وفاء مفروغ اولان تشویقہ محلہ سنندہ حاجی امین افندی زقاغندہ ۱۲-۱۴-۷ نومرولی وشہری ۵۰۰۰ غروش ایجارہ متحمل اوطلہ و مشتملات سائرہ ی حاری مع باغچہ اخشاب ذراع مقداری عرصہ اوزرینہ مینی خانہ نک ربع حصہ سنک تسویہ دین ایدلہ سنندن طولای اجرای قلنان مزایدہ سنندہ یکریمی بش بیک غروشده طالبی عہدہ سنندہ تقرر ایدرک حالہ اولیہ سی اجرا قلنمش ومارتک بشنہ ی کونی حالہ قطعہ سنک اجراسی مقرر بولنمش اولغله یوزدہ بش ضم ایلہ طالب اولانلرک قیمت تخمہ سی اوزرندن ۲۳ لیرا بی آقچہ سی مستصحباً دفتر خاقانی امانتی دائرہ سنندہ بک اوغلی دفتر خاقانی اداره سنہ صراجت ایللری اعلان اولنور . ۳ ما

اسکدار دفتر خاقانی اداره سنندن :

موسیو قسطنطین زاخاروف ومادام قترینہ ودیالکنی ومادہ وازل خرقیلہ نک مغرز اولهرق بشقہ بشقہ عہدہ تصرفلرندہ اولان قاضی کوبدہ جعفر اغا محلہ سنک مہردار چادہ سنندہ توسیع انتقالو درت قطعہ عرصہ ی مغریدج سروپیان افندیکن مشترکاً استقراض ایلدکلری اتی بیک اتی یوز شمش برتیق لیرای عثانی مقابلندہ وکالت دوریہ ایلہ وفاء فراغ ایتدکلری حالہ مدت معینہ سی طرفندہ تسویہ دین ایقاملری حسینیلہ دین موسی الیہک وقوعبولان صراجتی اوزرینہ مذکور عرصہ لر ابری ابری مزایدہ لرندہ موسیو قسطنطینہ عائد ۷۸ نومرولو عرصہ نک یوز اتی بیک ومادام قترینہ نک ۷۸ مکرر نومرولو عرصہ سی یوزیکریمی بیک ومادام دیالکنیک ۷۴ نومرولی عرصہ سی یوز اوتوز بیک ومادہ وازل خرقیلہ نک ۷۶ نومرولو عرصہ سنک یوزیکریمی بیک غروش بدللہ طالبلری نامنہ ۱۴ شباط ۳۳۷ تاریخندہ حالہ اولیہ لرلی اجرا قلنمش وسنہ حالیہ مارتک بشنہ ی جمع ابرتسی کونی حالہ قطعہ لرینک اجراسی مقرر بولنغله یوزدہ بش ضم ایلہ طالب اولانلرک قیمت تخمہ لرلی اولان (۲۰۶۵۰۰) (۱۴۷۵۰۰) (۱۶۲۰۰۰) (۱۶۲۰۰۰) غروشک یوزدہ اولری نسبتندہ تأمینات ایچہ لرین مستصحباً دفتر خاقانی امانتندہ اسکدار دفتر خاقانی اداره سنہ صراجت ایللری . ۲۸-۳ ما

مقری کوی دفتر خاقانی اداره سنندن :

اوغانس افندیکنک استقراض ایلدیکی بش بیک عدد لیرای عثمانی مقابلندہ دعتراکی بارام اوغلی افندی عہدہ سنندہ وکالت دوریہ ایلہ وفاء مفروغ اولان مقریکویتندہ جو بزلک محلہ سنندہ خسرو یه سواقاغندہ بش اوطلہ بز ضوقفہ وبرمطبخ وقیو و باغچہ یی حاری براب خانہ نک سکز حصہ دہ بدی حصہ سی تسویہ دین ایدلہ مدیکندن طولای ۲۸ کاون تانی ۳۳۷ تاریخندن اعتباراً مزایدہ یه وضع ایدلہ بکلرک اوتوز کون طرفندہ حالہ اولیہ واون بش کون صکرہ حالہ قطعہ یه اجرا قلنہ جندن حصہ مذکورہ بر موجب بش یوز اتی بیک غروش قیمت تخمہ سی اوزرندن یوزدہ اون بی آقچہ سی مستصحباً مقری کوی قضاسی دفتر خاقانی اداره سنہ صراجت ایللری اعلان اولنور .

سلطان احمد صالح محکمہ سنندن :

درت بیک یدیبوز اون بش غروشک تحصیل حقتدہ مدعی ضراف علسکی افندیکن سلیمانہ کاتب شمس الدین محلہ سنندہ قویولو سواقاغندہ ۲۷ نومرولو خانہ دہ ۶ نومرولو اوطلہ دہ مقیم و کوچک بازاردہ پولیس قره غولی اتصانندہ ک فروندہ مستخدم امین افندی علیہ سنحصال ایلدیکی ۹ شباط ۳۳۷ تاریخ و ۳۳۷ نومرولو حکم غیابنک موسی الیہک تبلیغی ممکن اولامامش واعلاناً تبلیغات اجراسنہ قران ویرلش اولدیفندن تبلیغ مقامنہ قائم اولتی اوزرہ اعلان اولنور .

غلامہ صلح محکمہ سنندن :

جواد برادری آصف افندی بکلرک مدعی علیہ عبدالعزیم افندی یه ایجار ایتدکلری غلطندہ محمودیہ چادہ سنندہ ۱۳۳ نومرولو دکانک تخلیہ سی حقتدہ اقامہ ایلدکلری دعوی اوزرینہ تنظیم ولاجل التبلیغ تسیر قلوب اعادہ اولنان دعوتیہ ورقہ سنندہ مدعی علیہ موسی الیہک مذکور دکانندن چیقره رق الیوم اقامتکاهی مجهول اولدیفنی مباشری ومحلہ سی ہیئت اختیاریہ سی طرفندن یازیلان درکنارده بیلدیرلش واعلاناً تبلیغات اجراسی حقتدہ سبق ایدن طلب موافق قانون کورلش اولغله مدعی علیہ موسی الیہک محاکمہ نک تعیین اولدیفنی ۲۶ مارت ۳۳۷ جمعہ ابرتسی کونی ساعت اون برده بالاصالہ ویا بالوکالہ غلامہ صلح محکمہ سنندہ اثبات وجود ایتدیکی تقدیردہ حقتدہ غیاباً محاکمہ اجرا قلنہ جتی اعلان اولنور .

بک اوغلی صلح محکمہ سنندن :

مدعی احسان بکک مدعی علیہ موسیو قووویف علیہ تقسیمدہ صرہ سرویلرده عروسلسر سواقاغندہ طقوز نومرولو خانہ نک تخلیہ سنہ و خانہ نک تشرین اول تشرین تانی ۳۶ آیلرلہ حین تخلیہ یه کین ایشلہ بک کبرالریکنک تحصیل حقتدہ استحصال ایلدیکی ۸ کاون تانی ۳۳۷ تاریخ و ۳۶۸۳ نومرولو حکمہ قارشو مدت قانونیہ سی طرفندہ اعتراض وتبیین دعوی ایدلدیکی جهتلہ حکم مذکور کسب قطعیت ایدرک اجرا یه وضع ایدلش اولغله تاریخ اعلانن اعتباراً برآی طرفندہ مذکور خانہ بالرضا تخلیہ ایدلدیکی تقدیردہ حکم مذکورک جبراً اجرا اولنه جتی اعلان اولنور .

باب فتوی قاضیسکرکک محکمہ سنندن :

اسکدار محکمہ شرعیہ سنندن صادر اولان ۲۹ شوال ۱۳۳۸ تاریخلی حجت شرعیہ منظوقنجه متوہبہ سنہ بناء تصرفات قولیہ سنندن جز اولنان قزل طوبراقدہ طولوغلی جامع شریفی زقاغندہ اتی طقوز نومرولو خانہ دہ ساکنہ بوستانلی حاجی علی پاشا کریمی خدیجہ صفوت خانمک خصوص مذکور حقتدہ قاضیسکرکک محکمہ سنندہ استیثافاً جریان ایدن محاکمہ نتیجہ سنندہ صادر اولوب تمیزاً تصدیق اولنان ۲۰ ربیع الاول ۱۳۳۹ تاریخلی اعلام موجبنجه جز مذکور فک ایدیلہ رک تصرفات شرعیہ سنہ اذن ویرلدیکی اعلان اولنور .

اسکدار حقوق محکمه سندن :

۱۲۰۱

خدیمه سلطان حضرتلرینه اضافه وکیللری محمد ثروت بك طرفندن قترینلی یوسف افندی احفادنندن مرحوم احمد فاضل بك ورته سیله سائره علیه اقامه ایله دیکی دعوی حکم قطعی به اقترا ایش و ۱۶ شباط ۳۳۷ تاریخ و ۳۳۷ نومرولو اعلام صورقلری محکوم علیهمندن مرحوم احمد فاضل بك ورته سندن زوجہ سی یا کیزه و مخدوملری محمد و فخرالدین بکله برای تبلیغ ارسال قلنهرق مومی البهك سلائیکه کیتدکلرنندن و محل اقامتلی مجهول قالدیغندن بچله اعاده قلنمش اولسنه مبنی اعلام مذکورک دخی اصول محاکمات حقوقیه قانونک یوز قرق طقوزنجی ماده سنه توفیقاً اعلاناً تبلیغه قرار ویرلش و برر نسخه سی محکمه دیوانخانه سنه تعلیق ایدلش اولغله اعلان کیفیت اولنور .

اسکدار اجرا دائره سندن :

۱۱۹۹

پولیس اسماعیل افندی مهر و نفقه دن اولهرق یاره المقده اولان حوا خاتم تطبیق مهرینی ضایع ایدرک دیکرینی حکم ایتدیرمش اولغله اسکی مهرک حکمی اولدینی اعلان اولنور .

استانبول کاتب عدلکندن :

۱۲۰۰

طوپقپوده بایزید آغا محله سنده اقسرای جاده سنده کاش تحت استیجارمده بولنان نومرولو برباب فرون دروننده موجود بالعموم الات و ادواتی و بررأس قیر آت ایله بررأس مرکبی و مذکور فرونده کی حق انتقاعی بودفه طالبی بولنان فرانسه دولتی تبعه سندن نظمی بکه فروخت ایتدیگندن علاقه دارانجه معلوم اولق اوزره اشبو بیعنامه مک اصولاً اعلانی مسترحدر . ۲۳ شباط ۳۳۷ اقسرایده طوپقپو جاده سنده بایزید آغا محله سنده نومرولو فرونک مستأجری حافظ رجب بن مصطفی

اشبو بیعنامه اوچ نسخه دن عبارت اولغله بالتصدیق برموجب طلب برای نشر و اعلان تقوم وقایع غزته سی اداره علیه سنه ارسال قلندی . ۲۳ شباط ۳۳۷

استانبولده سلطان حمامنده واقع واندون تئوخاریدیس و آدام دیمتریادیس

۱۱۷۹

افندیلرک تحت استیجارنده بولنان یدی نومرولو مغازه نك اك اوست قاتنده کی حالی اولهرق تسلیم ایتدیگم سالونده صرف پاموقلی قاش تجارتیه اشتغال ایتک اوزره برتجارخانه کساد ایتدیگم و نختنده کی مذکوراندون تئوخاریدیس و آدام دیمتریادیس شرکتیه برکونا علاقه و اشتراک اولدینی اشخاص نالهجه معلوم اولق اوزره کیفیتک علی الاصول اعلان بیورلسنی استرحام ایدرز . ۲۱ شباط ۳۳۷ محمود پاشاده یکی بیله یز مغازه سی صاحبلی و اسیلا کی قسطنطنیندیس و یانی و لاخویلوس

اشبو اعلاننامه دائره ده محفوظ نسخه اصلیه سنه مطابق اولغله ذیل قانون تجارت احکامنه توفیقاً برای اعلان تقوم وقایع غزته سی اداره خانه سنه ارسال قلندی . ۲۱ شباط ۳۳۷

بک اوغلی کاتب عدلکندن :

۱۲۰۴

غلطه ده طوبجیلر جاده سنده ۸۳ عتیق ۶ نومرولو لوقنطه ده موجود و اراض و مقادیری طرفینجه معلوم بولنان لوقنطه و بیراخانه جیلکه متعلق بالجله اموال و اشیا بی صنفه واحده ایله بدل معلوم مقابله ده تبعه یونانی دن نیقولامانوقل بایکیش افندی به قطعاً بیع و فروخت و بدلنی اخذ و قبض ایله دیگندن اموال و اشیا مذکورده بوندن بویله مومی البهك مال مشتری اولهرق بم بونلر اوزرنده هیچ برحقم قالمش اولدینی بیان و اعلان ایلم . ۲۴ شباط ۳۳۷

آوستول خره لامیدی

نسخه اصلیه سنه مطابق بولنان اشبو اعلاننامه ذیل قانون تجارت موجبجه نشر و اعلان ایلمک اوزره «تقوم وقایع» اداره سنه ارسال قلندی . ۲۴ شباط ۳۳۷



یکی تجارت آنونیم شرکت عثمانیه سندن :

۱۱۷۷

نظامنامه شرکتک یکریمی اوچنجی ماده سی موجبجه بنه الکریم حصه داران هیئت عمومی سنک ۲۸ مارت ۳۳۷ بازار ابرتسی کونی بعدالزوال ساعت ایکده شرکتک مرکز اداره سی اولان سلطان حمامنده، ایکنجی وقف خاتمه درنجی قاتده صورت عادیده انعقادی مقرر اولغله لاقل یکریمی حصه مالک اولان حصه داران کرامک یوم اجتماعدن اون کون اولنه قدر حامل بولندقلری حصه سندی شرکت وزنه سنه تودیع ایله مقابله ده دخولیه ورقلرینی اخذ ایلملی رجا اولنور . روزنامه مذاکرات :

- ۱ — مجلس اداره و مفتش راپورلرینک مطالعه و تدقیقه ۳۳۶ سنه مالیه سی حسابات عمومیه پیلانچوسنک تصدیق و بو باده مجلس اداره نك ابرسی .
  - ۲ — ۱۳۳۷ سنه مالیه سی ایچون حسابات مفتشلرینک تعیینی .
  - ۳ — ۱۳۳۶ سنه مالیه سی ایچون مجلس اداره چه نظامنامه شرکتک ماده مخصوصه سی موجبجه صورت توزی تکلیف ایدیلان تمتع تصدیق .
- ۲۳ شباط ۱۳۳۷



درسمات استیناف محکمه سندن :

۹۰۹

ازمنه مختلفه ده مقری کوبنده لیللا و مشترکا آلت مخصوصه استعمالیه قیو آچق و پارمقلق قیرمق صورتیه ارتکاب سیرقت ایتدکلرندن دولایی مظنون علیهم اولوب هیئت اتهامیه چه جنایتله اتهام اولنهرق حقلرنده اخذ گرفت امری و برلش اولان مقری کوبنده اسکی فرونده زیتونلکده ۱۳ نومرولو خانه ده مقیم و محمود پاشاده قولاجی اون سکز یاشنده پنابوط نام دیکر بانجو ولد قسطنطنیه وینه محل مذکورده ۱۶ نومرولو خانه ده مقیم ترزی قالفه سی اون سکز یاشنده استراطی ولد و دوری وینه مقری کوبنده زیتونلکده بقال یانقونک دکانک سواقاغنده ۱۹ نومرولی خانه ده مقیم اون ایکی یاشنده دیمتری ولدنیقولا کی اوصاف و اشکالری غیر مضبوط اناستاس و یانقو الیوم اثبات وجود ایتامش اولدکلرندن اصول محاکمات جزاییه قانونک ۳۷۱ و ۳۷۱ نجی ماده نری موجبجه محکمه کللی ایچون اشبو تاریخدن اعتباراً جانب ریاستدن اون کون مهل و برلکه اشبو مدت طرفنده کلدکلری حالده حقلرنده معامله قانونیه اجرا اولنهنجی اعلان اولنور .

تقوم وقایع

مطبعة عامه تلهفون نومروسی : استانبول ۸۰۱

تقوم وقایع قومیسینی تلهفون نومروسی : استانبول ۲۴۷۸

امور محریبه و اداره — امور تحریره ایچون دائره جلیله صدرتده «تقوم وقایع قومیسینی» نه و امور اداره ایچون مطبعة عامره مدیرتته مراجعت اولنور . شرائط اشترا — استانبول و ولایات ایچون پوسته اجرتیه برابر سنه لك آبونه بدلی ۶۰۰ غروشدر . ممالک اجنیه ایچون پوسته اجرتی خراج اولدینی حالده سنه لك آبونه بدلی ۵۰۰ غروشدر . آبونه معامله سی مطبعة عامره ده اجرا و بدلی آتیق مطبعة دن التیق شرطیه اوچ غروشدر . کونی یکمش نسخه لک فیاتی مطبعة دن التیق شرطیه اوچ غروشدر . اعمومات — افرادک منافعه متعلق اولهرق قانوناً و نظاماً یا خود علاقه دارانک طلبلرینه بناءً دوائر رسمییه و محاکم طرفندن درج ایتدیربله حکم اعلاننک هر سطرندن اون غروش آلنیر . اعلانات خصوصیه قبول اولنماز . مطبعة عامره